

吏部卷之六

典章十二

吏制

儒吏 吏員 令史 書吏 典史 譯吏
宣使 司吏 典吏 獄典 庫子

儒吏

一隨路歲貢儒吏至元六年十月中書省據右三部呈
掌管諸路刑名公事繁劇若止於吏禮部待闕人內
挨次收補其待闕人吏多有不通練刑法司吏內保差
部於上路總管府見設上名通練刑法司吏內保差
試驗收補事又據本部呈亦爲選取部令史事省府
相度今後樞密院御史臺俱於省部選取令史又各
部所掌銓選戶差刑名等事尤爲繁劇各得實材以

辦其事今擬上都等處周歲額保令史二名秀才一名司吏一名北京等處周歲額保一名或儒或吏科一名其所保秀才務要洞達經史通曉吏事其吏員通明法律熟嫻吏業各選四十五以下廉慎行止爲眾推服者開具姓名腳色直言所長就便行移按察司體究相同然後保結申部呈省勾換赴部相驗相應遇各部令史有闕相補如試驗得才不相應或所保不公罪及元保官司除已行下御史臺照爲施行至元十九年御史臺承奉中書省付近爲朝省選補掾吏立法擬定中書省掾於樞密院御史臺令史內選取院令史於六部令史以諸歲貢人吏補充內外職官材堪省掾及院臺部令史者亦許擢用已經行下吏部依上施行去訖都省議得省掾考滿出而臨

民入而事上資品既高責任亦重派充導源皆自歲貢中出由此言之歲貢儒吏若不先加教養次以銓試收之不將苟且以求僥倖人材失直所關非細比及設立科舉以來定到下項事理承此本臺咨請照驗行

一諸州府直隸省部皆有受勅教授仰本路官於管下免差儒戶內選有餘閑年少子弟之家須要一名入府州學量其有無自備束脩從授讀書修習儒業若无年少餘閑子弟可以讀書者不得椿配責要本路官朔望拜廟就加省視勿令廢替非儒而願從學試驗擇學業有成名弟近上者充府州學生仍申本路本州照會標入學生之籍依舊就學肄業若遇本道按察司及本路總管府歲貢之時仰本司本路行下

四八
典章十二
二
本學教授於係籍學生內選使義修明文筆優贍
深通經史曉達時務可以從政者保申本路官司再
行體覆相同然後解貢

一各路司吏有闕須於所屬諸衙門人吏內先選行止
廉慎次論人材幹敏然後勾取委本路長參佐同儒
學教授立提考試擇行移有法算術无差字畫謹嚴
言語辨利能通詩書論孟科一經史爲中程式取考
試者官保明文狀然後補充本路本司吏此外不濫
收違者有罪按察司書吏有關府州司吏勾補至歲
貢時本司本路挨次上名再行試驗相同依額貢補
一歲貢人額按察司上路總管府三年一次貢二名儒
一名吏一名下路總管府二年一次貢一名儒吏遞

進

一六部令史除補院臺令史外行諸道省掾亦擬差補
一又至大元年行臺近爲廉訪司合設書吏奏差於各
路總管府請俸司吏並歲貢儒人內選用奏差亦依
舊例於州司吏縣典吏內遴選今各道廉訪司按治
數路每歲各貢儒人一名其數似多腸裏已有貢舉
定例本臺別無准奉明文無所遵守移准御史臺咨
照得承奉中書省札定到歲貢儒吏該上路總管府
三年一次貢二名儒一名吏一名下路總管府二年
一次貢一名儒吏遞進仰依上施行

一儒吏考試程式元貞三年 月江西行省准中書省
咨該欽奉聖旨條畫內一欸節該議行貢舉前詔已
常及之比及設科以來自元貞二年諸路有儒知吏
事吏通儒術性行修謹者各路薦舉廉訪司試選每

道歲貢二人省臺立法考試必中程式方許錄用如
所貢不公罪及選舉官司欽此送禮部與翰林國史
院吏部一同斟酌舊制定擬到考試程式隨此發去
都省咨請依上准此省府仰依上施行某路府據某
州司縣申歸問一起公事解到所關人等追獲賊仗
殺人無贓云追獲元使器仗切盜云追獲無盜賊驗勒令認過一就歸勘得正
犯人甲招不合於某年月日作何罪犯但寫文狀如後招語
何到官情罪是實如全無贓仗即云解到所關人等當斥審過取責正犯人甲招同前
如有徒伴即云不合於某年月日甲為首糾合乙丙同謀作何過犯如何到官情罪是實乙丙招責與甲無異乙丙如更或會別作過犯須云除與甲招相同外又招某年月日不合與丁戊作何罪犯丁戊招責相並取到干連人某指證詞因及捉事人某被傷人
某若主某事主某准伏文狀已上隨事摘用追會一切完備
如有未獲人數即云除某人在逃常川根捕外追會一切完備府司官公座對眾將

犯人刑人某至徒人某同行引審取訖服辦文狀

以下罪不取服辦

刑徒以上須取除將干連人某准首人某被傷人某

事主某苦主某先已省會家奴婢某摘斷付主某

人還職某人還役某人召保

舊例杖以下輕罪未斷責保

至徒人

某收禁外

已上皆於所出題內隨事摘用

據正犯重刑人某已經本

道巡按廉訪司對本人家屬明示犯由亦已取到服

辦文狀依舊收禁外

大都須云已牒監察御史某官審元冤取訖服辦文狀枷項紐

手同家屬某差人

今具元發事頭逐人招款詞因並

監押赴部引審

抄白追會收監事件開立於後須至申者

一元發事頭某年月日據某州備某司縣申該據某人

狀告

貼題備錄全文

得此殺殺人即云尋某委官初覆

直至告訖施行

尋勒醫上驗過被傷去處賊盜移文縣尉並下所屬

須云委官驗過本家失盜踪跡

地分及牒鄰境官司捉賊施行間准某處官司公文

該據某人狀告某年月日緣何認是前項賊人以此

親手捉獲監押赴官

因賊敗露者即云并賊一就赴官涉疑捉獲者即云緣由疑是

賊人盤捉到官非盜賊云即將犯人勾捉到官

縣司略行問得賊人某招伏

與事主元申并捉事人見告俱各相同追獲賊仗勒

令事主認過委是被

強曰劫竊曰盜

本物

非盜賊止云畧行間得犯人某招仗

并與某人元告相同

契勘逐人所招事干刑名縣司地卑不敢

留問今將正犯人某人枷項紐手事主某捉事人某

散行同賍杖一就差人牢固監押前去乞收管施行

以上皆據盜賊爲例其餘罪犯隨時變之

府司收管問得逐人所招並與

來解相同

若便此移文甚處勘會所犯情由去後同

准牒文照得並與賊某元指相同若有令捕人數及

並問者即云行移某處勘會及就窻捉所指賊人去

後同准牒文發到上項人數今將正犯人某行枷扭

就令逐人面對並元指相同手干連人某捉事人某散行差人監押前去伏乞照

驗收管施行

一府司勘責到逐人文狀

正犯人招款

一名某見年若干身無疾病

如有疾謂殘廢薦疾之類

本貫某處

附籍是何色目人氏除高曾祖父母父母先已亡

歿外在家見有是何人口

備親寫賊姓名各二年甲杖罪以下不須開寫

以上人口各無疾病

有則須云除某元患是何疾症外其全人口各无疾病

見有產業各各即干即目應當是何差役除外別

無家口產業亦不是奴賤自來並無過犯備有鄰

人主首並無籍責冊諳顯與一千人無讎不親令

據實招說先爲如何事上於某年月日作何過犯

如何到官

盜賊先爲艱難无可圖運如何知得某處某家有才以此發心於某年月日早

晚時分空手或持是何器械緣由某家何處越牆入去撥開某空房門或於某處家開窟穴如何盜

出財物經由何處出來到家點得所盜物件各各
 若干在後於內破使見在各各若干在後至某月
 日緣何發覺被捉到官○強盜須問某人爲首某
 人爲從各執是何器械如何施威入去何人在外
 把風何人在內收拾財物如何會殺傷事主須問某
 人用何器械於某公身何處殺傷傷爲打傷刼到
 財物卻由何處出來至於某處點得各各件數內
 某人分得到某物多少破使現在各各若干餘與
 竊盜同○謀殺殺一人須問被殺人在前某年月
 日有何仇嫌至幾時發心將某窺害幾時就於某
 處用何器械仗於某公身何處殺傷身死若有爲從
 加功之人須問如何計合情由行害時某人下手
 某人如何加功其尸棄於何處至某月日緣由取
 獲○偽造鈔須問始初何人造意如何會得雕造
 法度同犯人數須問某人抄紙某人雕板某人印
 造某人使印記某人慎料號共印造到凡貫伯文
 料例各各若干數內已行使說若干現在若干幾
 年月日緣甚敗露被捉到官隣首曾先知情追到
 元使作杖所刻版印造到偽鈔當官一一認過委
 是造偽各各本物○鬪毆毆人須問始初爭鬪緣
 故在前有無仇嫌共毆須問原謀下手先後各各
 輕重去處須見那時致命或在後因傷身死致被
 何人告發到官○私藏軍器須問初欲如何用度
 情由指定本家元有或他處致到各開名件緣由
 敗露追搜到官○毒藥須問始初行毒情由如何
 知得其藥可以害人性命緣由發覺到官○戲殺

須問在先會无相戲中間有无他隙當時如何因戲致殺緣由其餘罪犯視此爲例自始初發意中間營爲至在後敗所有追到贓伏已蒙某處官司獲必要首尾明白

當廳勒令認過委是各各本物

某故殺人己蒙官司追到元使某物

勒令認過委是當時殺人器械○造偽鈔所有追到元使作仗所刻印板造到偽鈔當官勒令認過委是各各本物○軍器所有造到某物幾件當官認過委是蒙家元藏軍器○毒藥所用不盡藥物已蒙官司當作勒令認過委是親手修合毒藥○殺人追到元使某物已蒙官司勒令認過委是當時行凶器械勾到

爲某所犯事干刑名申解前來

見証指說相同

今蒙取問所責前項詞因並是指實除今犯外自

前至今別不會作下其餘重罪

有則須云除今犯外在前某年月日

會作是何過犯已經某處官司如何斷訖此外更無其餘重罪即不是在外應合殺捕之人亦無隱匿同黨知情受分典賣寄藏贓器勾引窩藏過致資給干犯人等行盜時並無傷犯事上招責不實事情○謀故殺人亦無隱匿情事同謀共殺之人聞毆時不是與某素有仇嫌故行毆殺○毒藥亦無隱匿同謀教令修合之人其貨藥人實不知情○偽鈔亦無隱匿同謀教令偽造之人鄰首並不

知情其他難犯即云亦無同謀知情一切干
犯人等已供服款外更無招責不盡之情 若蒙

官司隔別磨問或別因事發露但與令狀不同除
當本罪外更甘誑官罪犯不詞所有某招伏不合
於某年月日爲首糾合某人糾作何罪犯或信從
某人糾合與某並某作何罪犯二罪以上即云又
不合於某年月日作何罪犯執給是實

一名婦某人見年若干身無疾病保某處附籍是何人戶
某人正妻與未定婚成親時兩家各無違礙在前
不會犯罪經斷亦不是奴賤及倡優之家備有隣
人主首並元籍青冊諳顯與一千人無仇不親今
據實招說得 云云 餘與前狀並同

一名奴婢某見年若干身無疾病係某處是何人戶某人
元買元虜家主驅奴幾年月日本使配到家婢或

贖到駙婦某人爲妻生到男女各各年甲除外別
無梯已人口財產備有隣人主首并青冊諸顯與
一千人無仇不親今據實招責同前結諱須該寫
本主並不知
情

干連人詞因

一名某人見年若干身無疾病係某處附籍是何色

人戶

至徒以上問寫家
口杖罪以下不開

今爲某人作何過犯指出

如何事上以此干連到官據實招說

云云

所具前

項招責情由並是指實別無虛誑若蒙官司照依
見招斷遣甘伏元詞執結是實

一名指證人某年甲籍貫依上開寫今據實分析

云

云

爲某係見證上一就申解前來所責前項詞因

並是端的別不是暗受買告虛相扶同亦無隱匿

指證不盡事理與一千人無仇不親如虛當罪執結是實

一名捉事人某年甲腳色同前今據實分析備具

捉獲

緣由爲係捉事人上一就申解前來所據前項詞因

並是指實別無虛誑緣某別不是官中差設應捕之人亦不是失賊地分當該合捕人數及不曾承准諸人告報然後捉獲亦無相籍威力爭功人等若蒙照依犯人見招徵斷准伏無詞執給是實

一名事主某年甲籍貫同前今據實分析

云云

爲係

被盜事主一就申解前來所通前項詞因並是指實追得贓物當官認得委是被盜正贓所估價錢亦無虧損若蒙照依犯人見招徵斷准伏無詞執給是實

一名奴主某人甲疾狀同前今據實分析

云云

所通

前項詞因並不詣實今當官認得某人委是本家
無迹駭奴別無詐認備有申官判憑左鄰人主首
詣顯見招罪犯並不知情若蒙官司依法裁斷准
伏無詞

一名苦主某年甲籍貫同前今據實分析

云云

爲某

係苦主一就申解前來所通前項詞因並是詣實
據身死某人在日若干年甲委無疾狀詞不是奴
賤生前亦無作下過犯備有鄰人主首并青冊詣
顯與一千人無仇不親若蒙照依已招徵斷准伏
無詞

一名被傷某人年甲籍貫同前今據實分析

云云

爲

係被傷人上一就申解前來所通前項詞因並是

詣實別無虛誑某處無被傷損已是平復支即云
某處元被傷損再令醫工驗得云云驗傷摘用如蒙官司照依犯人所招
斷決准伏無詞執給是實

一抄白追會事件

屍

一據某處申委官初復驗到身死人某致命根因已
將屍首責付家屬某人權行埋瘞

初檢官某將引件作行吏某等初檢某人屍首公身

別無他故外驗得

云云○名隨下項所該致命根由摘用

復檢官將不干礙行吏某等復檢得某人屍首並與

初檢相同

初檢時仰面復驗時合面初復驗官不許相見

勒屍驗得本屍口開眼瞪頂上勒痕黑色圍圓長若
千寸深闊若干分食氣顙塌項痕交匝委是被人

勒死

自縊者舌出
項根不匝

顛死驗得本屍某處被破骨損深淺長闊各各分寸
若干委是生前墜落崖下或墜坑中因傷致命身
死

凍死驗得本屍項縮腳拳兩手抱胸遍身粟肉色黃
緊委是凍死餓死驗得本屍脰肚貼腔身體黃瘦
委因飢餓身死是的

辜內病死驗得元傷去處已是平復別無行風入瘡
痕迹其屍肌體瘦弱肉色痿黃口眼皆合兩手舒
展某處或有新針炙盤痕在旁或有是何藥貼問
得屍親或奴說稱曾請某醫看治勾問得委係患
某病證曾用上件藥餌調治驗是辜內別增餘患
身死的